

《中國地方藝文薈萃》編委會 編

中國地方藝文薈萃

學苑出版社

華東卷·第十二輯 樂

華東卷·第十二輯

柒

中國地方藝文薈萃

《中國地方藝文薈萃》編委會 編

貴州师范学院内部使用



沈南疑先生橋李詩繫四十二卷（六）

貴州师范学院内部使用

沈南疑先生樵李詩繫四十二卷（六）

（清）沈季友輯

據清康熙四十九年（一七一〇）金南鋌敦素堂刻本影印

沈南疑先生攜李詩繫第三十六卷目次 仙鬼

平湖 金 南鏌 夏聲 校閱

宋

吳山道人一首 柳姓女鬼二首

曹刺史女一首 張總管一首

元

獨樂園主一首 月夜異人一首

明

呂祖一首 柳鬼一首

召仙降筆一首 天民一首

蓬萊宮人八首 仙女一首

無上宮道人一首

崖老一首

木人一首

湘君一首

玉城仙史一首

茗上君一首

少室靈妃一首

箕仙二十首

降道人一首

國朝

千花道人一首

紅霞道人八首

柳真八首

碧霞二首

先庚道人一首

仙祖二首

石隱九首

紫陽真人五首

落墨仙五首

艮嶽山人十六首

肩吾山人十三首

天岳老人二首

沈南疑先生攜李詩繫第三十六卷目次終

木三言重

沈南疑先生攜李詩繫第三十六卷

平湖 金 南鏌 夏聲 校閱

宋

吳山道人

括異志曰三山曾先生陟嘗寓館於海鹽陳氏七  
載有道人自吳山來謂曰子思鄉之切何不暫歸  
乃剪紙爲馬令合眼上馬以水噴之其疾如風囑  
曰汝歸不可久畱須臾到家門戶如舊妻令沐浴  
易新衣陟曰我便去妻曰纔歸便去何不念父母  
妻子乎陟便上馬而行所騎馬足折驚寤乃自在  
書館中隨身衣服皆新製者道人亦不見惟畱一

藥籃中有詩云

一騎如龍送客歸，銀鬃綠耳步相隨。  
佳人未許輕離別，不是仙翁豈得知。

柳姓女鬼

志曰：癸寧丙辰，秀州嘉興令陶彖子遇一女偕行，至水濱，遺以一詩，與之期曰：仲冬二七月盈之夕，車馬來迎，自是令子遘異疾，不可救療。後辨才法師元淨抵秀，令亟告之。法師過，令所除地爲壇，設觀音像，取楊柳灑水咒之。夜遂安寢，明日始來，結跏趺坐。引兒問曰：汝居何地而來？至此答曰：會稽之東卞山之陽，是我之宅。古木蒼蒼，師問其姓，荅

曰吳王山上無人處幾度臨風學舞腰師曰桺姓也乃輾然而笑師又爲宣說楞嚴神咒痛自悔恨母爲物邪所轉于是號泣謂令子曰久與子遊不能遽舍願觴爲別因相對引滿又作一詩而去遂不復見按此係秦少游所載而詩話總龜亦紀其事與此稍異

生爲木卯人死作幽獨鬼泉門長夜開衾幃待君至

別詩

仲冬二七是良時江上無緣與子期今日臨岐一杯酒  
共君千里遠相離

曹刺史女

嘉熙間鄧州人金雀雲以琴書寓嘉興招提寺側  
富家夜聞女子唱歌歌罷排戶入與雲會臨別以  
金贈之女子潛然曰妾曹刺史女也已得仙術但  
凡心未除遭此降謫君前程甚遠夾山之會其慎  
之金後爲縣令卒於峽州考其寺即曹珪宅後鑿  
土得石匣古琴有金繫焉歌曰

記得一曲直千金如今宋寔古墻陰秋風衰艸白雲濃  
斷橋流水何處尋

張總管

建炎間崇德有張子脩字德夫官爲浙東總管葺  
園于玉灣之北醉花載月築流杯遂初二亭開乳

鴨池爲流觴之飲人稱東園時又有邑人張汝昌  
字士隆官廸功郎與子脩品望相埒徙居其西稱  
西園並饒林館之勝結社賦詩子修卒年八十六  
其詩不傳後石門里有召仙者降箕云我張子  
修也昔與汝昌築東西二園今日歸來惟見衰艸  
宛然一丁令威耳乃題一詩而去

謝事歸來一幅巾千年華表漫哀吟而今廢沼空畱恨  
好句枇杷夏屬人

元

### 獨樂園主

輟耕錄云友人攜李郭元凱舜舉嘗召一仙至大

書曰獨樂園主也衆以咏史請爲作長篇觀其詩  
意蓋宋人也

三皇之前不可傳堯舜垂衣化自然夏衰商敗兵革起  
征討有罪非傳賢蒼姬種德極深厚歷載八百何綿綿  
孔丘孟軻不得位惟有文字登書編春秋筆削嚴一字  
誅惡褒善持大權丘明作傳詳本末下迨戰國何茫然  
秦皇并吞六王畢始廢封建迷井田功高自謂傳萬世  
仁義不施徒託仙東遊弗返祖龍死赤靈火德明中天  
漢朝文景稱至治刑措可比成康前無端雜用黃老術  
是以未得稱其全王莽賊臣篡漢祚賴有光武如周宣  
靈臺名將應列宿婉婉長策抉戎軒絕勝高祖醢彭越

可比周召終天年崇儒往謁曲阜廟典章燦燦羅星躔  
後人不省創業苦寵任闈宦皆貂蟬西園鬻爵誠可耻  
黨錮忠士災何延一朝曹氏帝稱魏銅駝荆棘生荒烟  
關張早歿後主弱與午自帝開坤埏五胡雲擾亂中國  
五馬南渡何翩翩六朝興廢有得失豈知合併歸揚堅  
瓊花城裡建宮闕汴湖春水浮龍船亂離思治否復泰  
唐室高祖催飛騫秦王神武不可及遂承天祚傳高玄  
大綱不正有慙色我嘗撫卷思其淵紛紛女禍握神器  
擾擾藩鎮橫戈鋌乘輿避亂數奔竄翠華幾度遊西川  
黃巢殘賊不忍說白骨山積血成泉侵凌漸使唐祚絕  
江海雖大猶涓涓朱溫降將乃一賊僭號暫時得復失

後唐石晉暨知遠但以功利不尚德周家亦僭登天基  
獨有世宗明治術我朝列聖皆深仁天下蒼生得蘇息  
史書浩浩充屋棟人主欲觀寧遍及小臣纂集作通鑑  
治亂興亡明似日願言乙夜細垂觀比美成王戒無逸  
月夜異人

魏塘元萬戶陳景純名當字愛山闢園有異人月  
夜叩門題詩云

戊子年間多快樂丙申之歲少畱連公公莫作綿綿計  
花圃終須變野田

明

呂祖